



UDRUŽENJE INŽENJERA I TEHNIČARA ŠUMARSTVA  
FEDERACIJE BOSNE I HERCEGOVINE  
ŠUMARSKO UDRUŽENJE FBIH  
UŠIT FBIH

## PROGRAM RADA MANDATNI PERIOD 2026. – 2030.

### PRIJEDLOG KANDIDATURE

Kandidat za predsjednika Upravnog odbora Udruženja - predsjednika Udruženja

*Vahidin Lušija, dipl.ing.šum.*

Ulica: Antuna Branka Šimića bb

Grad: Busovača

Email: [lusijavahidin@gmail.com](mailto:lusijavahidin@gmail.com)

Telefon: 061/390-476

Busovača, 26.05.2026. godine

## KRAĆA BIOGRAFIJA

Rođen sam 09.03.1978 godine u Zenici. Osnovnu školu sam završio u Busovači, srednju Elektrotehničku u Zenici.

Nakon toga upisujem Šumarski Fakultet Univerziteta u Sarajevu na kojem sam diplomirao 2003. godine i stekao zvanje dipl.ing. šumarstva.

Te godine sam se i zaposlio u Šumariji Kaćuni, na radnom mjestu Projektant. Nakon formiranja ŠPD-ŠGD "Srednjobosanske šume/Šume Središnje Bosne" d.o.o. Donji Vakuf, radim u Šumariji Busovača na poslovima Šefa Sekcije, od 01.12.2008. godine do 01.09.2010. godine radim kao Interni kontrolor u ŠPD-ŠGD "Srednjobosanske šume/Šume Središnje Bosne", od 01.09.2010. do 07.07.2015. godine radim na poslovima Šefa Sekcije u Šumariji Fojnica, a od 08.07.2015. godine do 14.01.2016. godine obnašam dužnost v.d. izvršnog direktora sektora za razvoj plan analizu uređivanje drvni fond i edukaciju u Upravi Društva, a u mandatnom periodu od 14.01.2016. godine do 14.01.2020. godine obnašam dužnost izvršnog direktora sektora za razvoj plan analizu uređivanje drvni fond i edukaciju u Upravi Društva, a od 14.01.2020. godine do 20.10.2022. godine obnašam dužnost v.d. izvršnog direktora sektora za razvoj plan analizu uređivanje drvni fond i edukaciju u Upravi Društva, a u mandatnom periodu od 20.10.2022. godine do 20.10.2026. godine imenovan sam na dužnost izvršnog direktora sektora za razvoj plan analizu uređivanje drvni fond i edukaciju u Upravi Društva .

U mandatnom periodu 2018 - 2022 bio sam član Upravnog odbora UŠIT FBiH a u mandatnom periodu 2022.-2026. godina obnašao sam dužnost predsjednika Upravnog odbora UŠIT FBiH.

Oženjen sam i otac dva sina.

# Udruženja inženjera i tehničara šumarstva Federacije Bosne i Hercegovine

## Mandatni period 2026–2030.

Poštovani delegati Skupštine, uvažene kolegice i kolege, cijenjeni članovi Udruženja, prijatelji šumarske struke,

Velika mi je čast i odgovornost danas stajati pred vama kao ponovni kandidat za predsjednika Udruženja inženjera i tehničara šumarstva Federacije Bosne i Hercegovine za mandatni period 2026–2030.

Ovu kandidaturu ne posmatram kao ličnu ambiciju, nego kao obavezu prema struci, prema nauci, prema našem Udruženju i prema odgovornosti koju svi zajedno nosimo prema šumama Bosne i Hercegovine.

Naše Udruženje ima jasno definisanu misiju i ulogu kroz svoj Statut — da okuplja stručnjake, štiti dignitet profesije, unapređuje znanje, promovise održivo upravljanje šumama i aktivno učestvuje u kreiranju politika važnih za razvoj sektora šumarstva.

Upravo na tim statutarnim principima želim graditi svoj mandat.

Moja vizija je jasno definisana:

Udruženje mora biti moderan, snažan i uticajan stručni autoritet, prepoznat od članstva, uvažen od institucija i vidljiv u društvu.

Da bismo to ostvarili, svoj program zasnivam na osam ključnih oblasti djelovanja.

## 1. INSTITUCIONALNO JAČANJE I MODERNIZACIJA UDRUŽENJA

Prvi prioritet mora biti jačanje samog Udruženja.

To znači da ćemo:

- unaprijediti rad svih organa Udruženja i podružnica;
- uspostaviti efikasniji sistem upravljanja i interne komunikacije;
- nastaviti aktivnosti na kolektivnom članstvu, ali i snažno razviti koncept individualnog članstva, kako bi svaki pojedinac osjetio pripadnost Udruženju i profesiji;
- definisati pristupačniji model članarina, sa ciljem povećanja broja članova;
- obezbijediti redovnu naplatu pojedinačnih članarina kao osnov finansijske discipline;
- izvršiti modernizaciju članstva kroz uvođenje trajnih digitalnih članskih iskaznica, u skladu sa savremenim tehnološkim standardima;
- izraditi savremenu i ažurnu bazu članstva;
- prečišćavanje i modernizacija Statuta i internih akata Udruženja, usklađivanje sa novim potrebama sektora i razvojnim ciljevima Udruženja;
- rješavanje pitanja trajnog prostora/sjedišta Udruženja kao dugoročnog institucionalnog cilja;
- obilježavanje 25 godina od ponovnog aktiviranja Udruženja kao važnog identitetskog i organizacionog jubileja.

Naš cilj je jasno definisan: jače, brojnije i organizovanije Udruženje.

## 2. JAČANJE UGLEDA STRUKE I PROMOCIJA ŠUMARSTVA

Naš sektor mora biti vidljiviji i bolje razumljen u javnosti.

Zato ćemo:

- koristiti sve dostupne alate savremenih tehnologija i društvenih mreža za promociju sektora šumarstva i rada Udruženja;
- redovno ažurirati web platforme i informativne sadržaje;
- provoditi kampanje podizanja svijesti o značaju šuma;
- intenzivirati promociju šumskih resursa i multifunkcionalne uloge šuma;
- jačati medijsku prisutnost Udruženja; redovno javno reagovanje Udruženja na aktuelna pitanja iz oblasti šumarstva, lovstva, zaštite prirode i okoliša;
- izrada i distribucija promotivnih publikacija, afiša, postera i edukativnih materijala o značaju šuma i šumarstva;
- promocija šumarstva kao strateškog sektora razvoja Bosne i Hercegovine.

Moramo vratiti šumarstvu mjesto koje zaslužuje u društvu.

## 3. STRUČNO USAVRŠAVANJE I IZDAVAČKA DJELATNOST

Jedan od osnovnih ciljeva definisanih Statutom jeste unapređenje stručnog znanja.

U tom smislu planiram:

- redovan izlazak stručnog časopisa „Naše šume“;
- obilježavanje 25 godina časopisa „Naše šume“;
- nastavak i intenziviranje izdavanja stručne literature, priručnika i publikacija;
- organizaciju stručnih radionica o aktuelnim problemima u šumarstvu BiH;
- organizaciju stručnih konferencija i kongresa;
- uspostavljanje kontinuiranih edukacija i stručnih seminara;
- organizacija minimalno dva stručna seminara godišnje prema potrebama članstva;
- organizacija Konferencije/Kongresa o aktuelnim pitanjima šumarstva BiH;
- cilj da se izdaje minimalno jedna stručna publikacija godišnje, u skladu sa finansijskim mogućnostima.

Znanje mora biti trajna vrijednost našeg Udruženja.

## 4. MLADE KOLEGE I STRUKOVNO JEDINSTVO

Naša budućnost su mladi stručnjaci.

Zato ćemo:

- osnažiti njihovo uključivanje u rad Udruženja;
- razviti mentorski sistem između iskusnih i mladih članova;
- kreirati prostor za profesionalni razvoj mladih;
- graditi osjećaj pripadnosti struci od samog početka karijere;
- jače uključivanje studenata šumarstva i mladih diplomaca u aktivnosti Udruženja;
- povezivanje sa fakultetima kroz mentorski i pripravnički model saradnje;
- razvijanje osjećaja pripadnosti Udruženju od početka profesionalne karijere.

Udruženje mora biti dom svim generacijama šumara.

## 5. AKTIVNO UČEŠĆE U ZAKONODAVNIM I STRATEŠKIM PROCESIMA

Udruženje mora biti aktivan partner u kreiranju javnih politika.

Poseban fokus bit će na:

- aktivnom učešću u pripremi i usvajanju Zakona o šumama Bosne i Hercegovine;
- punom stručnom angažmanu u donošenju Zakona o šumama Federacije BiH;
- formiranju stručnih timova za izradu prijedloga i amandmana;
- redovnoj saradnji sa nadležnim ministarstvima i parlamentarnim tijelima;
- zastupanju interesa struke kroz institucionalni dijalog;
- aktivnosti na usvajanju državne strategije šumarstva Bosne i Hercegovine;
- donošenje Šumarskog programa Federacije BiH;
- usvajanje II Nacionalne inventure šuma;
- uspostavljanje monitoring sistema i dijagnostičko-prognozne službe;
- inicijativa za jače prisustvo šumarske struke u institucijama na državnom nivou;
- reaktiviranje Savjeta šumarskih udruženja Bosne i Hercegovine.
- Reaktiviranje i rješavanje pravnog statusa Šumarske Komore

Naš zadatak je da budemo glas struke u zakonodavnom procesu.

## 6. DIGITALIZACIJA I MODERNIZACIJA ŠUMARSTVA

Budućnost je digitalna.

Zato ćemo:

- promovisati GIS, digitalne karte i baze podataka;
- promovisati uvođenje digitalizacije u oblast šumarstva ;
- unaprijediti digitalnu komunikaciju Udruženja;
- modernizovati članske servise;
- razviti online platforme za edukaciju i stručnu razmjenu;
- koristiti digitalne alate za bolju promociju i organizaciju rada.

Udruženje mora pratiti vrijeme u kojem djeluje.

## 7. MEĐUNARODNA SARADNJA I REGIONALNO UMREŽAVANJE

Naše Udruženje mora biti otvoreno prema regionu i Evropi.

Planiram:

- intenzivirati saradnju sa srodnim udruženjima iz regiona;
- organizovati prijeme šumarskih i drugih delegacija iz Evrope i regiona;
- pojačati međunarodne aktivnosti i projektna partnerstva;
- pokrenuti aktivnosti za uključivanje Udruženja u EUSTAFOR;
- nastaviti aktivno učešće naših predstavnika na međunarodnim stručnim događajima;
- nastaviti učešće Bosne i Hercegovine na svjetskom prvenstvu sjekača i drugim međunarodnim šumarskim takmičenjima;
- nastavak saradnje sa Generalnom direkcijom za šumarstvo Republike Turske.
- kandidatura/uključenje u EUSTAFOR;
- nastavak rada i prisustva u European Foresters' Nordic Ski Championships (EFNS);
- organizacija studijskih putovanja u zemlji i inostranstvu;
- prijem međunarodnih delegacija i jačanje bilateralne saradnje.

Naša struka mora biti prisutna i međunarodno prepoznata.

## 8. PARTNERSTVA, TRADICIJA I IDENTITET UDRUŽENJA

Udruženje mora njegovati i svoju tradiciju i svoje partnere.

U tom smislu ćemo:

- nastaviti redovne sastanke sa direktorima šumsko-privrednih društava,
- intenzivirati saradnju sa Šumarskim Fakultetom Univerziteta u Sarajevu kroz naučno stručne koinferencije kao i povezivanje nauke i struke,
- organizovati sastanke sa rukovodiocima svih relevantnih institucija sektora šumarstva;
- u saradnji sa SSŠPDP organizovati i sportske igre radnika u šumarstvu;
- intenzivirati saradnju sa drvoprerađivačkim sektorom Bosne i Hercegovine, jer šumarstvo i drvna industrija moraju djelovati partnerski;
- nastaviti organizaciju Šumarijade prilagođavajući istu sa pravilima svjetskog takmičenja sjekača, uz organizaciju Državnog prvenstva sjekača;
- organizovati centralnu svečanost povodom 25 godina od ponovnog aktiviranja rada Udruženja;
- u okviru jubileja pripremiti i objaviti Monografiju Udruženja, kao trajni dokument naše istorije i identiteta;
- organizovati svečane akademije i javne događaje posvećene jubileju;
- nastavak dodjele priznanja i nagrada zaslužnim članovima i institucijama;

Jer snažno Udruženje ne gradi se samo planovima — gradi se identitetom, zajedništvom i kontinuitetom.

## ZAKLJUČAK

Poštovane kolegice i kolege,

Program koji danas predstavljam nije skup pojedinačnih obećanja, niti formalni dokument izrađen radi ispunjavanja kandidacijske procedure.

Ovaj program predstavlja jasan strateški okvir djelovanja, zasnovan na statutarnim ciljevima našeg Udruženja, realnim potrebama šumarske struke i odgovornosti koju imamo prema sektoru šumarstva u Bosni i Hercegovini.

Pred nama je mandatni period u kojem moramo istovremeno djelovati na tri jednako važna fronta.

**Prvi je borba za snažniji institucionalni i zakonodavni položaj šumarstva u Bosni i Hercegovini.**

Kao strukovna organizacija imamo obavezu aktivno učestvovati u procesima donošenja Zakona o šumama Federacije Bosne i Hercegovine, pokretanju inicijativa za donošenje odgovarajućih propisa i strateških dokumenata na nivou Bosne i Hercegovine, te insistirati na tome da šumarska struka dobije mjesto koje joj pripada u sistemu donošenja odluka. To nije samo profesionalni zadatak — to je naša odgovornost prema šumama i budućnosti ove zemlje.

**Drugi je jačanje i modernizacija samog Udruženja. Moramo izgraditi snažnije, funkcionalnije i modernije Udruženje — organizaciju koja će biti dostupna svakom svom članu, finansijski stabilna, digitalno unaprijeđena i sposobna da odgovori savremenim izazovima.**

Posebnu pažnju moramo posvetiti širenju individualnog članstva, jačanju pripadnosti članova Udruženju i stvaranju osjećaja da je Udruženje istinski profesionalni dom svakog inženjera i tehničara šumarstva.

**Treći je očuvanje identiteta, tradicije i ugleda naše profesije.**

Obilježavanje 25 godina od ponovnog aktiviranja rada Udruženja nije samo jubilej — to je prilika da potvrdimo kontinuitet i trajnost naše struke, odajući priznanje generacijama koje su gradile temelje organizovanog djelovanja šumarske struke u Bosni i Hercegovini. Naše Udruženje, obnovljeno 2001. godine, predstavlja nastavak i pravnog i stručnog kontinuiteta, kao sljednik tradicije Društva, odnosno Saveza inženjera i tehničara šumarstva Bosne i Hercegovine, čiji korijeni sežu od 1947. godine. Upravo ta višedecenijska tradicija obavezuje nas da čuvamo vrijednosti profesije, unapređujemo rad Udruženja i jasno definišemo pravac njegovog budućeg razvoja. Izrada prigodne monografije, njegovanje stručnih i sportskih manifestacija, jačanje

međunarodnog ugleda i dosljedno očuvanje profesionalne etike ostaju trajna obaveza i zajednička odgovornost svih nas. Poštovane kolegice i kolege,

Uvjeren sam da Udruženje ima snagu, znanje i kapacitet da u narednom periodu napravi značajan iskorak.

Ali taj iskorak neće napraviti sam predsjednik.

Napravit ćemo ga svi zajedno.

Zato ovaj program ne nudim kao lični plan rada, nego kao poziv na zajedničko djelovanje — svim članovima, svim podružnicama, svim organima Udruženja i svim kolegicama i kolegama kojima je stalo do budućnosti naše struke.

Vjerujem da zajedno možemo izgraditi Udruženje koje će biti:

- snažnije u institucijama,
- vidljivije u javnosti,
- korisnije svojim članovima,
- prepoznatljivije međunarodno,
- i dostojno tradicije koju baštinimo.

Sa tom vjerom, odgovornošću i punom posvećenošću, prihvatam kandidaturu za predsjednika Udruženja inženjera i tehničara šumarstva Federacije Bosne i Hercegovine.

Za snažno Udruženje.

Za poštovanu struku.

Za održive šume i sigurnu budućnost Bosne i Hercegovine.

Hvala vam na ukazanom povjerenju.

*Lušija Vahidin*  
Vahidin Lušija, dipl.ing.šum.